



Broj:08-20-5660-1/22
Bihać,31.05.2022. godine

Na osnovu člana 16. Zakona o Vladi Unsko-sanskog kantona („Službeni glasnik USK-a“ broj: 05/08), člana 46. Zakona o izvršavanju Budžeta Unsko-sanskog kantona za 2022. godinu („Službeni glasnik Unsko-sanskog kantona“, broj:5/22), člana 9. stavka I-Ruralni razvoj-Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“, broj:07/08 i 4/12); Odluke Vlade Unsko-sanskog kantona o o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2022. godinu, broj: 03-017-4546 od 24.05.2022. godine i Uputstva za ostvarivanje novčanih podrški u primarnoj poljoprivrednoj proizvodnji za 2022.godinu, broj: 08-02-3271-5/22 od 31.05.2022. godine, Ministarstvo poljoprivrede, vodoprivrede i šumarstva Unsko-sanskog kantona o b j a v l j u j e

JAVNI POZIV

za Ruralni razvoj- subvencioniranje ruralnog razvoja kod mladih poljoprivrednika , sa područja Unsko-sanskog kantona -ekonomski kod 614 500 KAP 010

I PREDMET JAVNOG POZIVA

Predmet Javnog poziva je subvencioniranje ruralnog razvoja kod mladih poljoprivrednika na osnovu Odluke Vlade Unsko-sanskog kantona o o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2022. godinu, broj:03-017-4546 od 24.05. 2022. godine (u daljem tekstu:Odluka) i Uputstva za ostvarivanje novčanih podrški u primarnoj poljoprivrednoj proizvodnji za 2022.godinu, broj: 08-02-3271-5/22 od 31.05.2022. godine (u daljem tekstu:Uputstvo).

1) OPĆI KRITERIJI

Pravo na subvenciju ima fizičko lice i obrt (u daljem tekstu:klijent) koji ispunjavaju slijedeće kriterije:

- Podnosilac prijave je osoba (fizičko lice ili vlasnik obrta) starosne dobi zaključno sa 35 godina života.
- Upisan u Registar poljoprivrednih gazdinstava ili Registar klijenata, (u daljem tekstu:RPG / RK) najkasnije 180 dana prije objave Javnog poziva sa ažuriranim podacima u RPG/RK zaključno sa 31.03.2022.godine.
- Fizičko lice ili obrti koji nemaju dospjelih, a neizmirenih poreznih obaveza prema Kantonalnoj poreznoj upravi i poreznih obaveza prema Upravi za indirektno oporezivanje Bosne i Hercegovine za prethodnu godinu ili sklopljen sporazum o reprogramiranju duga kod nadležne Porezne uprave Federacije BiH odnosno Uprave za indirektno oporezivanje BiH za 2021. godinu.
- Fizičko lice ili obrti koji redovno ispunjavaju svoje dospjele obaveze po zaključenim ugovorima o robnim, robno-novčanim kreditima, zakupima i koncesijama sa

Ministarstvom stiču pravo na ostvarivanje novčane podrške u skladu sa članom 7. stav 1. tačka 7. Zakona o novčanim podrškama u primarnoj poljoprivrednoj proizvodnji na Unsko-sanskom kantonu.

- Izjava da klijent nije koristio u zadnjih 5 godina nikakve subvencije u vidu novčanih sredstva iz Budžeta USK-a za osobe životne starosti do 35 godina
- Klijent je dužan učestvovati sa vlastitim novčanim sredstvima minimalno sa 20 % vrijednosti prihvatljivih troškova

2) POSEBNI KRITERIJI

Prihvatljivi troškovi su:

- a) Nabavka novih poljoprivrednih mašina i priključnih uređaja za iste
- b) Nabavka novih plastenika, staklenika, rashladnih komora, sušara za voće, povrća, ljekobilje i meso i mesne prerađevine; mašina za prvi stepen dorade, pakirница, košnica, pčelinjih zajednica i vrcaljki za med
- c) Nabavka novih sistema za navodnjavanje, odvodnjavanje i protivgradnu zaštitu

Iznos prihvatljivih troškova utvrđuje se bez PDV-a i carinskih troškova.

Navedeni prihvatljivi troškovi odnose se na period od 01.10. prethodne do 01.08. tekuće godine.

Osnov za izračunavanje podrške je dostavljena faktura koja se odnosi na prihvatljive troškove iz liste prihvatljivih troškova u periodu od 1.10. prethodne do 1.08. tekuće godine sa dokazom o uplati po fakturi dostavljenoj od strane dobavljača, a sve u skladu sa Zakonom o PDV-u

Visina subvencije iskazana kao udio podrške u prihvatljivim troškovima iznosi:

Maksimalno 80 % od iznosa fakture, a najviše do iznosa od 10.000,00 KM po klijentu.

Klijent može ostvariti pravo na subvenciju samo za jedan zahtjev u okviru jedne pojedine mjere prihvatljivih troškova po osnovu ovog Javnog poziva, kako slijedi: a); b) ili c).

Proporcionalno smanjenje u slučaju probijanja iznosa sredstava

Ako zbroj iznosa obračunate subvencije bude veći od iznosa sredstava utvrđenih **Odlukom Vlade** Unsko-sanskog kantona o o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2022. godinu, broj:03-017-4546 od 31.05. 2022. godine, izvršit će se proporcionalno smanjenje svih odobrenih pojedinačnih iznosa podrške u okviru te mjere.

Podnošenje zahtjeva za podršku

Klijent je dužan dostaviti slijedeću dokumentaciju:

1. Popunjen obrazac zahtjeva ZORR (u prilogu Javnog poziva)
2. Izvod iz CIPS-a ne stariji od 3 mjeseca od dana objave Javnog poziva
3. Kopija lične karte
4. Izvod iz RPG/RK o sa datumom upisa i Ažurirana lista korištenja RPG/RK
5. Uvjerenja iz nadležnih poreskih uprava o izmirenim obavezama u prethodnoj godini

6. Ako klijent ima zaključene Ugovore o robnim, robno-novčanim kreditima, zakupima i koncesijama sa Ministarstvom dužan je dostaviti potvrdu o uredno izmirenim obavezama po osnovu istih
7. Izjava da klijent nije koristio u zadnjih 5 godina nikakve subvencije u vidu novčanih sredstva iz Budžeta USK-a za osobe životne starosti do 35 godina
8. Izjava klijenta da će dobivena sredstva namjenski koristiti i da neće izvršiti otuđenje predmeta subvencioniranja najmanje 3 godine od dana isplate subvencije po Rješenju za stavke navedene u prihvatljivim troškovima
9. Fakturu koja se odnosi na prihvatljive troškove iz liste prihvatljivih troškova u periodu od 1.10. prethodne do 1.08. tekuće godine u skladu sa Zakonom o PDV-u
10. Dokaz o uplati po fakturi od strane podnosioca iz tačke 10.
11. Potvrda banke o transakcijskom računu

Svi podneseni dokumenti trebaju biti u originalu ili ovjerenoj kopiji.

SMJERNICE ZA PRIJAVU

Nakon objavljivanja Javnog poziva za podnošenje prijave, svi zainteresirani klijenti sa područja Unsko-sanskog kantona koji ispunjavaju opće i osnovne kriterije, mogu preuzeti obrasce za prijave u zgradi Vlade USK-a ili sa službene web stranice <http://vladausk.ba>.

Aplikacije se mogu dostaviti putem preporučene pošte, kurirske pošte ili lično na protokol Vlade Unsko-sanskog kantona, s tim da je na **zatvorenoj** koverti ispisana slijedeća adresa:

JAVNI POZIV

za Ruralni razvoj- subvencioniranje ruralnog razvoja kod mladih poljoprivrednika , sa područja Unsko-sanskog kantona u 2022. godini
Ministarstvo poljoprivrede, vodoprivrede i šumarstva USK-a Alije Đerzeleza 6
77000 Bihać sa naznakom (NE OTVARAJ)

Zahtjev za podršku podnosi se na osnovu Odluke, Uputstva i Javnog poziva, odnosno obavještenja koje objavljuje Kantonalno ministarstvo na web stranici Vlade Unsko-sanskog kantona, <http://www.vladausk.ba>. i javnim medijima i glasilima.

Nepotpune i neblagovremene prijave neće se uzimati u razmatranje

Javni poziv ostaje otvoren do 01.08.2022.godine od dana objavljivanja u javnim medijima, a biće objavljen na web stranici Vlade USK-a <http://www.vladausk.ba>. i nedeljnom listu „KRAJINA“.

Za sve dodatne informacije i pojašnjenja podnosioci zahtjeva mogu direktno uputiti pitanja, upite i zahtjeve u pisanoj formi, na broj faksa +387/37316-142 ili e-mail poljoprivreda@vladausk.ba

Obrazac Zahtjeva (ZORR) prijave na Javni poziv za Ruralni razvoj- subvencioniranje ruralnog razvoja kod mladih poljoprivrednika , sa područja Unsko-sanskog kantona u 2022. godini i Obrazac izjave klijenta (IK) mogu se preuzeti na stranici Vlade USK-a ili u Ministarstvu poljoprivrede, vodoprivrede i šumarstva USK-a.

MINISTAR

Sulejman Kulenović, dr.vet.med.